

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1910559985, 1910516357, 1910514665 և 1910467255 որոշումներն անփոփոխ, իսկ գանգատն առանց բավարարման թողնելու մասին

<<30>> 12 2019թ. ԲԿ-4-11165

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյան, վերանայելով Գոռ Ռուբենի Շահվերդյանի դիմումի (ՄԴ/8178-19) քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Գոռ Ռուբենի Շահվերդյանը դիմումով հայտնել է, որ վարել է HYUNDAI մակնիշի 36 ON 439 համարանիշի տրանսպորտային միջոցը և խնդրել ճանապարհային ոստիկանության թիվ 1910559985, 1910516357, 1910514665 և 1910467255 որոշումները վերահասցեագրել իրեն:

Նյութերի ուսումնասիրության ընթացքում պարզվել է, որ թիվ 1910559985 որոշումով ամրագրված իրավախախտումը ակնհայտորեն չի կատարվել դիմումատուի կողմից: Մասնավորապես՝ թիվ 1910559985 որոշման հիմք հանդիսացող արագաչափ սարքի լուսանկարի ուսումնասիրությունից ակնհայտ երևում է, որ նշված իրավախախտումը կատարվել է այլ անձի կողմից: Նշված փաստի համադրումը հիմք է տալիս հաստատված համարել այն հանգամանքը, որ թիվ 1910516357, 1910514665 և 1910467255 որոշումներով ամրագրված իրավախախտումները ևս չի կատարել Գոռ Շահվերդյանը և վերջինիս կողմից դիմում ներկայացնելը նպատակ է հետապնդում տրանսպորտային միջոցի սեփականատիրոջն ազատել վարչական պատասխանատվությունից:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1910559985, 1910516357, 1910514665 և 1910467255 որոշումները թողնել անփոփոխ, իսկ գանգատն՝ առանց բավարարման:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակներն ուղարկել Գոռ Շահվերդյանին (հասցեն՝ ք.Երևան, Մալաթիա-Սեբաստիա, Միքայելյան փ., 72 շ., 46բն.), տրանսպորտային միջոցի սեփականատեր Էդվարդ Գրիգորյանին (հասցեն՝ Արմավիրի մարզ, Մերձավան, Ազատամարտիկների փ., Հանրակացարան 1) և ՏՄՀԽԱ կենտրոն:

Կատարող՝ Ա.Տիգրանյան



Ե.Կարապետյան